

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第五六四號

據 明·耿宗道等纂修
明嘉靖年間修，民國二年刊印本

影印

浙江省

臨山衛志



成文出版社有限公司印行



10095924

中華民國七十二年三月臺一版

臨山衛志 全一冊

發行人：黃 成 助

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

本志原書係中央研究院歷史語言研究所所藏

並承惠借 謹此致謝！

docsriver 文川网
入驻商家 古籍书城

在文川网搜索古籍书城 获取更多电子书

臨
人
樂
也

中華民國三年
仲春之月付刊

大局籌濟之宏規而亦等諸月露風雲無從追索烏
乎可哉是志爲明耿把總所訂述當時之制度綦詳
湖地戚君得之於叢殘之餘臨山諸君壽之於按羅
之後使乎世之學者得以由後而溯乎先卽物而窮
其故知當時之防患若是其預當時之立制若是其
周同時建設一千八百所而民何以不覺其擾費何
以不覺其困後世繼承二百數十載而餉何以不至
於中蹶合何以不至於頻更是必有道以處此而推
而究之擴而充之日求乎大者遠者之學則所持以
相餉者不且有溢於簡帙之外者哉若僅以爲保存
古蹟則淺之矣

於此而制一更自巡檢廢而改爲鄉而制又一大更
至今問巡署未移以前事其知者幾人則自今以往
問未改鄉以前事其噤口而莫答者固亦事勢之所
必然也夫丈夫志在四方當務其大者遠者國勢之
孱弱將何以振起之民生之彫敝將何以補救之實
業之未興將何以提倡之外交之未洽將何以輯睦
之况今民國初基內憂外患迄未甯謐正志士奮袂
而起共盡天職之秋舍此不事而徒學賈李之從事
吟壇陋哉陋哉蓋末技耳則刻劃風雲描摹月露之
佳篇卽與月露風雲以俱杳亦何足深憾顧此不足
深憾至并當時之所以固國防奠民居與夫變遷之

大局籌濟之宏規而亦等諸月露風雲無從追索烏
乎可哉是志爲明耿把總所訂述當時之制度綦詳
湖地戚君得之於叢殘之餘臨山諸君壽之於按羅
之後使乎世之學者得以由後而溯乎先卽物而窮
其故知當時之防患若是其預當時之立制若是其
周同時建設一千八百所而民何以不覺其擾費何
以不覺其困後世繼承二百數十載而餉何以不至
於中蹶合何以不至於頻更是必有道以處此而推
而究之擴而充之日求乎大者遠者之學則所持以
相餉者不且有溢於簡帙之外者哉若僅以爲保存
古蹟則淺之矣

中華民國三年四月之吉同邑四門鄉謝葆濂識

臨山衛志凡例

一臨山三山瀝海舊無志也今惟稽獻言訪之耆碩
閱記載註意采輯取其的然可言者志之但事實
有考則詳無徵則略或有未盡者後之君子可據
此以加筆削也

一建置分野山川形勝與夫城濠廟祀軍營水利器
械船隻之類書之不敢遺漏

一我朝設立總兵參將都指揮統轄軍職凡駐節本
衛者一一具載姓名或有功德爲人仰誦者必志
其文以彰其賢如見存而未經去任者人多避嫌
不書愚獨直據其實而書之恐濱海文獻莫考久

或堙其實也

一忠孝節義善行隱逸科貢武舉治功戰功不敢紊志必分門析類各小引於其首以載之也

一文章詩句關衛所之大政者錄之工拙初不甚計也私家之文雖工亦略之

一災異有考必書無稽之言不敢妄載

臨山衛志凡例終

臨山衛志目錄

卷之一

建置 分野 城濠 形勝 疆域 山川

風俗 公署 職官 經歷 知事 吏胥

職事 武臣 軍額 軍營 軍器 軍需

卷之二

典制 附印信銅牌
書籍誥命 禮儀 禮儀
救禳儀 郵鋪

關隘 廟祀 水利 馬路 地隴 濠塹

臺堠 橋梁 海堤 潮汐 紀異 戰船

卷之三

忠孝 節義 善行 隱逸 治功 戰功

科貢 生儒 武舉 例宦 牌坊

卷之四

古蹟 義塚 物產 文藝

臨山衛志目錄終

臨山衛志卷之一

欽差分守浙江甯紹等處地方參將朱冠采輯

欽差把總臨觀以都指揮體統行事耿宗道采輯

本衛軍政掌印兼管局指揮僉事馬斌采輯

慈溪縣學生員張訓撰次

紹興府學生員謝鐵撰次

慈溪縣學生員陳原中校正

建置

上古文武一途立法至精大備於是百蠻率俾中國
又安天下稱盛治焉自秦易封建爲郡縣於是漢唐
以來置南北軍設十六衛而文武兵農分爲二矣我

朝酌古準今既設郡縣而復於要害之地設置衛所
參錯其閒彼此相維文武並用真得上古之遺意爲
昭代之良法也

本衛

衛坐餘姚縣東山三里三都唐虞時屬揚州之域夏
少康世國號於越餘姚在其封內戰國以來秦置越
地爲會稽郡遂爲領縣衛初未之設也洪武二十年
信國公湯和議於餘姚上虞之西北建置衛所巡司
以備日本遂徙上虞故嵩城於東山三都爲臨山衛
初調南北各省軍守繼抽台温等處民四分之一以
充行伍內領左右中前後五千戶所外轄三山瀝海

二守禦千戶所並隸浙江都指揮使司

三山所

去衛治東六十里坐餘姚縣一都梅川鄉昔虞世南築居於此號虞家城洪武二十年信國公命千戶劉巧住築於三山所而領十百戶焉

瀝海所

去衛所六十里坐會稽縣三十三都洪武二十四年信國公建城爲瀝海所亦領十百戶焉

分野

志之體郡紀星分邑紀山川衛之分野固揚州會稽之封域也故亦不敢略焉然分星肇於軒轅繼職於

docsriver 文川网
入驻商家 古籍书城

在文川网搜索古籍书城 获取更多电子书

臣上卷元 卷一
周官保章雜出於歷代史臣及爾雅諸傳記其閒亦不能無異同者然法在必書亦不必泥必曰某土起某度某星主某事應不免陷於左氏傳會之誤矣亦固矣哉又先正云近臣志郡邑者多擬漢書以天文爲首夫以一郡邑之小遽欲效一代之制無乃模倣之過乎誠哉斯言也識之擇之會稽禹貢揚州之域位當少陽星入牽牛上應天市東垣六星今衛在會稽餘姚之封域中焉

城濠

周官掌固以掌王畿之固司險以司天下之險蓋城池之立所以捍衛生靈乃有國者之不廢而至於衛

所城池所以夾輔郡邑則於民而尤要焉司保障之寄者知慎重以守之斯無忝於成周設官之意與我祖宗所以付託之重矣

本衛

城東西坐平陸南坐龜山之岡北坐鳳山之岡初用土石各半本年秋指揮董役改用純石週圍五里三十步高二丈永樂十六年增高五尺址闊四丈五尺面半之陸門四水門一各冠以樓東西與北門羅以月城敵樓二十二更樓一窩鋪四十二雉堞一千一百四十二城之外各設吊橋嘉靖三十五年掌印指揮馬自進暫塞北門復於東北正北之城外建敵臺

各一三十八年指揮戚毅任內置東西南門重門各
一水門裏置木閘四十四年趙志任內添造東南北
三面敵臺七座濠除北坐山嶺外週圍八百四十八
丈深一丈五尺起東北虹霓嶺至西北海塘虹霓嶺
北以石山不便斧鑿嘉靖三十六年指揮馬自進復
開北門城外濠

三山所

所城洪武二十年信國公湯和命千戶劉巧住築之
週圍三里三分二十步高一丈六尺永樂十六年加
增三尺址闊四丈五尺面二丈四尺陸門四水門一
各冠以樓四門外俱有月城角樓四更樓一窩鋪六

雉堞六百九十九城外弔橋四濠週圍六百六十丈
深一丈三尺闊三丈六尺

瀝海所

所城週圍三里三十步址闊二丈六尺面一丈五尺
高一丈八尺開東西南北四門門上建四城樓門外
各設月城月城各設敵樓四隅建四角樓窩鋪十六
雉堞六百十四門外各設弔橋以通水陸行道
濠舊制去城五丈開濠闊六丈深六尺濠牆高五尺
今平爲蔬地闊三尺深六尺

百官巡檢司城坐上虞縣之北去所東南十里

眉山巡檢司城坐餘姚縣北四十里海湖頭去衛東

三十里

廟山巡檢司城坐上虞縣五都中原堰去衛西二十五里

形勝

易曰王公設險以固其國險固有國者之不可廢也而吳起之告武侯曰在德不在險謂夫恃險而不務修德者云爾况衛所之設所以控制乎外夷而形勝之美又將憑恃以保國所貴乎有民社之寄者以德爲上而以險次之矣若曰吾修吾德已矣則固非大易垂象之旨而又豈吳起告君之意哉

本衛

會稽山水之勝甲於天下王梅溪三賦言之詳矣我
臨山之地爲會稽東土東西聯姚虞二邑之疆徑直
而坦夷南北坐龜鳳兩山之岡蜿蜒而秀拔夏蓋雄
峙乎兌庚東山綿亘於巽巳真天造之寰區東南之
鉅鎮也

三山所

東連梅川西接雲柯南通龍泉北距溟海所城勢跨
澚山中軍樓雄據高阜浙中勝槩盡在目中

瀝海所

界分虞會流合江海自夏蓋而西迤邐之長餘三十
里環西匯而東包絡之富近六七都龍鳳相朝遠引

曹娥之勢潮汐繼至古遺天塹之雄觀風君子弗徒以封疆之小而忽之也

疆域

古人辨方正位體國經野以爲民極必先審察疆域以稽遠邇所以慎防守之界而遞報之程也我朝一統輿圖若無事於疆域之辨而職官之設每加慎於至到之程真古人體國經野之意而有得於帝王立極之道者矣

本衛

東至三山所六十里 西至瀝海所六十里 南至余支湖五里 北至海五里 東到甯波府一百六

十里 西到紹興府一百四十里 南到嵯縣一百
八十里 北至海北岸海鹽界一百里 東南界到
餘姚縣六十里 東北到海北岸上海界一百五十
里 西南到上虞界七十里 西北到龕赭二山一
百餘里

三山所

東至觀海衛四十里 西至本衛六十里 南至餘
姚縣四十里 北至海二十里 東到定海衛一百
六十里 西到三江所一百八十里 南到天台縣
四百四十里 北到海北岸澉浦所三百里 東南
到甯波府二百里 東北到馬墓二百里 西南到

紹興府二百里 西北到海甯縣二百里

瀝海所

東至上虞縣夏蓋湖三十里爲上虞縣九都界 西至會稽縣西匯五里爲會稽縣三十三都界 南至上虞縣前江三里爲上虞縣九都界 北至後海塘五十步爲會稽縣三十三都界

山川

易曰地險山川邱陵也有封疆之責誠所恃以爲固焉故郡邑之山川近連衛之四望者正所以表有土之險固也而城以臨山名正以其面山背海環衛皆山故耳

本衛

鳳凰山衛北城下龜山衛南城下二山連城岡脊者也建倉山衛西常豐一

倉楊家山衛東半里羅家山衛東一里東山衛東五里以上三山環拱城東者也

歡喜嶺衛西一里老寨山衛西一名陸家山許方家山衛西二里覆船

山衛西約三里以上四山環拱城西者也奚家山衛南二里杏山衛南三里茅山

衛南五里雞鳴山衛南七里牛屯山衛南十里以上五山皆環拱城南者也廟山

在鳳山衛北半里鋪鳳山衛北半里汝仇湖衛東五里千金湖衛西四里

環拱城北此外即大海也

余支湖衛南五里余家堰衛南一里大湖門堰衛東約七里許甲堰衛西

十顧堰衛西南十里五車堰衛西南二十里

三山所
治後有山高五丈嘉靖三十三年把總劉朝恩守禦

掌印指揮馬斌倡建張神廟於上

澗山去城北一里合施家山城南三里金山城南一里埋馬山

城東五里舊傳秦始皇始勝山城東二十里近因海寇至

設兵巡哨如過暑薄涼微蜃氣爽雲而生殊為奇觀

山頂平正古建聖母廟於其上址石尤存故名勝山

陳家浦所東一里眉山浦所西十里楊家浦所東三十里以上

亦多停泊此而日本船鯉湖所南五里附子湖所南五里勞家浦所南二里桐

樹湖所西南十里燭溪湖所東北八十里週一百三十二

瀝海所

偃山所南隔江坐會稽十三都界上有龍夏蓋山上坐

虞五都界舊傳夏禹夏蓋湖坐夏蓋山南塘魚鯉浦

王停蓋于此故云所南對江曰鯉浦以舊傳出鯉而名之國前江所西

自匯嘴分流瀝所城南盤曲如帶抵百官厯東山而上漸狹而深爲剡水所乘更名剡溪是所之人俱采薪于此而取道于江路焉

風俗

古稱虞舜在上風動四方君德有關於民俗也尙矣而亦有不之盡然者東西南北異制四海九州殊俗人各隨其所趨爲人君者抑何以家喻而戶曉之使合一哉雖然習相遠也性相近也人君道民以善焉者寡矣有君師之責者亦惟脩德以爲轉移化導之機使天下同歸於善云爾至於好尙之殊則亦隨乎其俗而已雖聖人獨且奈何哉

本衛

docsriver 文川网
入驻商家 古籍书城

在文川网搜索古籍书城 获取更多电子书

臣 行 示 卷 一
衛俗守義者固多而嗜利者亦有之上焉者業儒好禮崇衣冠之雅次焉者務田力穡事耕作之勤其無所資藉者或專藝樵牧以爲生或採螺蚌魚蝦以爲利故俗日益饒裕之象而近有敦禮義之風焉

三山所

地坐餘姚梅川一都而人情土俗多與姚類故人之表者知有詩書禮義之習然大都居家務儉約不憚勞勤畊作之事而猶有古虞之遺風然剛過于柔不勝忿恚多爭競而少含忍此乃其俗之所短者也

瀝海所

氣習雖近龕鄙然人多樸嗇而執禮安分號稱易治

奈近年以來崇詐澆薄先民遺範蕩無復存所可取者人知重本終服勤儉雖不能致太裕亦不致于太窘

公署

向明出治易象重離自古官僚政事必設公署以爲敷佈之所况將臣用武則戎機軍政所從發焉尤不可以不重也今於公署備載巔末而凡分司公館之類有關政治者亦逐一書之俾典守君子登堂而思所以盡斯職庶幾上不負朝廷付託之重下不負祖宗創業之艱矣

本衛